

ALL NATIONS GOSPEL PUBLISHERS



www.angp-hb.co.za



info@angp.co.za

BULU

NLEM MOT

Temple Zambe nge nda bisaé Satan.

1 Jean 3:4-10.

Kalate nyô a nji bo mféfê kalate. Be nga tame fe tili nye e France, den a nto bebé mimbu 200 mvus, a nga miaseban vôm ase a bôt be nga lañe nye abui. Ane a nga faé éfufup a ve ébotan be bizu'u minsisim. Be nga belane nye aval'ane éyet ya nsisim, vôm befam a binga be nga bo ngule ya yene éto jap ya nsisim, aval'ane Zambe a lô je. Abui ya be be e nga yene na nleme wop ô ne njalan a abé, nde amu nalé be nga ji'a kôñelan, a nyoñe mféfê nlem a mféfê nsisim.

Nté ôse wo lañe kalate nyô, simesa'ane na a ne éyet ya nlem, vôm wo lañe mam mese me ne wo nlem a vôm ô ne yene womien avale môt ô né. Ja'ana ô ne nyô a nji buni Christ, to 'ona ô ne nyô a bulaneya mvus e mam ya Zambe, nge nyô a tele zene ya ékotekote mbunan, wo ye yene éve'ela'a jôé womien été, aval'ane Zambe a lô je. Zambe a nji semé ngumba môt. A fombô ve nlem, sa asu nge ékôp.

Satan a ne ésa belaa minsos bese, njôô ya dibi a zambe ya si nyô. A wô'ô veñesane émien ange ya éfufup, ve a nji fe beta bo ange ya éfufup ate aval'ane abui bôt be ngenan be beta'a bo nye éve'ela'a nalé, a be aviane yaa éyoñe ba yene ji ja liti bebela nlitan avale Satan a né. Bekulu mejô ya minsos be ne abui melu ina ane be nga to fe melu mvus, bebo bisaé ya medu'an, mbe ba veñesane bebien minlôman mi Christ. A jame te e nji bo jame ya semé, amu na, ja'ana Satan fe, a veñesan émien ange ya éfufup. II Becorinthien 11:13,14. Satan a bo ésaé ya ve mis a minsisim ya bôt ndim, ndemben be bo te yene nye'an Zambe, duma a étôto'o Zambe, a ndemben be bo te yene Nyii wop Jésus Christ. II Becor. 4:4. Ba Zambe ya si nyô a maneya bo ndim, be se ngule ya yene na be amate mimbi, nlô ô viti si, a ke njañan ya nnôm'éto été, vôm nduan é ne te dim é né, nje ja yôñ a soufre nnôm'éto. Be nto miñwuan be Zambe, a nsisim ya njôô ya nyem, ñwô wo jô be éyoñe ji. Beéphésien 2:2.

Amu jame dina Mone Môt a nga yené na, a ye tyame mimboan mi mam mi diable. 1 Jean 3:8. “Ajô te, bo’an Zambe mewôk; ve mi wosa’an diable, ndemben a ye mate mia. Mi suba’an bébé be Zambe, ndemben a ye subu mia bébé. Jacques 4:7-8.

Nté ôse wo lañe kalate nyô a fombô bive’ela’a bi ne été, tame fombô ve nleme wôé womien. Tame jô’é nleme wôé ô fas ôbien a ô yen aval’ane ô né. Nge womien ô lô ki na nleme wôé ô ne mvin a abé, te sôan nge solé jame te, ve kañese’e nalé a memek abé dôé etc. “Nge bi ajô na bi se ke abé, bi adu’u biabebien, a benya mejô me nji bo be bia. Nge bi ameme mam abé mangan, Zambe a ne nye’an a zôsô ya jamé bia mam abé mangan, a tune bia bikotekote bise. Nge bi ajô na bi nga bo te bo abé, bi abo Nye nlaa minsos, a ajô dé e nji bo be bia. 1 Jean 1:8-10. Su’u womien e beta ngule ya wo Zambe si, ndemben a ye jamé wo mam abé môé, a tune wo a bidima metyi me Christ: A nga zu si nyô na a nyii bebo abé, a kui mindindim mis, a na a vaa bia e dibi été, a vaa fe dibi e ne be bia. A nga zu na a toé bia éfufup ya étôto’o jé été. Jésus a nga zu vaa bia vôm bi yeme e ngule ya abé a Satan si. Be Nye bi mbili njaman ya mam abé mangan. O lô, mi tele asu Zambe a ne étyi, Nye a yen a yem mimboan mienan mise, ja’ana mi miabebien mi asimesane na mi solô édo’o ya ôsimesane vianan été, nge ayôme mimbôndé d’adañe tyôtyoé. O se ngule ya solé, nge womien, nge mimboan miôé, asu Zambe.” Nyô a nga beme alo, ye aye bo te wôk? Nyô a nga bo dis, ye a ye bo te yen? Besam 94:9. “Amu mise mé ma fombô mezene ya môt, a yene fe meke mese a ke. Dibi e ne momo, nge alu ne viu, vôm bebo mam abé be ne sobô. Job 34:21,22. “Ya, amu mise me Yéhova m’ake m’awulu mimfa’a mise si nyô ése, zen ya liti na a ne ngu mfa’a ngam ya bà minlem miap mi ne nya zôsô be nye.” II Minkañete 16:9. Lañe fe Jean 2:24. “Ebotan a nyô ntyamane metiñe wé ô nto njaman, a nyô abé dé e nto mbutane yôp. Ebotan a nyô Yéhova a bo te lañe mam abé mé.” Besam 32:1-5. Lañe fe Besam 51. Jésus a beta loene bia môse wu na: “Za’an be ma mia bese mi awô’ô njuk, a kate mimbe’e, mia me aye ve mia awo’an. Matthieu 11:28-30.

EVE'ELA'A OSU.

Eve'ela'a ji ja liti bia mam me ne nleme mô't a ngenan te buni Christ, mbo abé, fam nge minga, nye'e si nyô, ñwuan nlem, wu nsisim ya si nyô a mbia minkômban ya minsôn bi



EVE'ELA'A OSU.

atibeli. Jina é ne fo'o éyet ya nlem, aval'ane Zambe a lô wô, nleme mbo abé nyô. Mis bijujuk, évele a metyi amu éto ya nso'an bilam le! Lañe Minkana 23:29-32. "Za a bili éngôngo? za a bili ôlun? Za a bili nkobô menyîñ? Za

a bili meveñ te étom? Za a bili mis me ne bivele ne zôñ? Ba ba jaé tabe vôm vin a né; ba ba ke be ajeñe vin a ne mbu-ndane mevale meva. Te fombô vin éyoñ a nto évele, éyoñ a kui mesana'a élaé été, éyoñ a lôt nkon nkon: Asu'ulan, a lôp aval'ane nyo, a lôan aval'ane viet. Mis môê me aye yene biôm wo dimi, a nleme wôé w'aye kobô bikotekot bi mam."

Tame fombô nlô môêt si, wo ye yene nleme môêt, vôm betit mevale meva be to, mbe ba liti aval abui mevale me abé me to nleme môêt été. Nlem ô ne nda nge na ébem, vôm abé dangan é to. Yéhova a jô na: "Nlem ô ne medu'an wo dañedañ, a ô ne étua ébo: za a ne ngule ya yeme wô?" Jérémie 17:9. Jésus na: "Mejô m'aso bôt minlem été, mme ma, mam abé bôt ba simesan, bibou, wup, ñwôane bôt, mejian, minyamete, mbia be mam, medu'an, bisôk, mesengan, ékpwe'ele, mebun, ézezam: mbia be mam mete mese m'aso nleme môêt été, mme m'andaman môêt." Marc 7:21-23.

PAN.

Etétéa ôsu bi ataté yen é ne Pañ. Pañ a ne ônon ô ne étua abeñ, mesaé mé me ne édima a ma ngeñebane mis étua abeñ. Onon ôte wo kate bia foé abé ya mebun. A funan "ñjôô ya Babylone," Lucifer," ôtété via faé a "mon ya melende me me tyé", chérubin a ne mba'ale," nye, melu mvus, a nga to ébi éfufup Zambe, ve éyoñe mebun mé me nga lôte nné, ane me nga tindi nye a sengane Zambe, ane a nga ku a silibane si a kui sheol, a kui susu'a bidok ya ato'o te si. Avale di nde a nga bo nsiñe Zambe, Satan, Diable. Esaie 14:9-17; Ezéchiel 28:12-17.

Mebun ma yené mevale meva si nyô. Bôt bevok ba bo mebun amu akum dap, mimbam biyem be bili, menda a mesi be ne me, mengômesan me ne tañ anen ba jaé. Ba bevok ki ba bo mebun amu abeñ dap, abeñ ya mesu map, nge ke di ya bikôp biap; ba liti bôt menyôle mapme bo be jôm ya kolé ôbak. Bevok ba bete bebiene yôp amu be nga bialé ayoñe si ayoñe ka, amu nyeman wop, amu ngule minsôn jap, amu beta be mam be nga bo melu mvus nge ki be aye bo melu m'azu! Amu nyôle ya ékôp jap nge ki amu duma mebun afe ese ya ényîñ, ba bete bebiene yôp. Bevok ba kômbô bo abeñ amu ba jaé bilondo, bimvônga, nge ke e kpwele memvañ menyôle map na, me bi bive'ela'a bi biôm, bi bi ave je abeñ, be vuane na, Zambe a nga té je te ke mone ékop!

“Amu na, Zambe a telé bôt be ne mebun ngame yat, ve a mvaman ba be ne minlem nje'eban.” I Pierre 5:5. Yéhova a vini mebun a ébiasé. “Minkana 8:13.” Mebun ma wulu njañan ôsu. Minkana 16:18.

MVU.

Mvu é ne ndem ya mbia minkômban ya minsôn, mvin, mejian, bisôk. Vôm ase mvu ja ke, ja bo vo mam me ne mvin. Ke abui bôt e ne nalé. Nge be tôbane minga vôm éziñ, to'o ba dimi nye, be nga taté ki wu nye mebun a bo nye bijañ. Bisôk a mejian bia nenenen melu ma, mme me ne ma ya asu'ulan. Bendôman, minkoé nge minlu'an, ja'ana benya bôte fe, bese be nto te fe ngule ya jôd bebien; abui ya été da nyiñ ve mejian été. Abé ya Sodome, di émo ja ye'an, e nga fôé vôm ase, e ntôto ényïñ ya bizu'u bi bôt été, e yemete'e a tôle mejô me Tate Jésus na: “Melu ma su'ulan m'aye bo ane ma ya Sodome a Gomorrhé.”

Meyoñ ba loen na Zulu a Besutos (Meyoñ ya Sud ya Afrique), a abui meyoñ afe fe, m'aloene môt a ne mbia nlô a mejian na, mvu. Avale bôt ese e nto bemvu nalé, e se ngule ya nyoñe ngap Ayoñ Zambe. Mfa'a ya atan a ne bemvu, a mimvimvi'i, a bebo mejian, a bewôé bôt, a bekañe bezambe befe, a nyô ase a nye'e minsos a laa mie. Nlitan 22:15. “Mata'an mejian, Abé ese môt a bo e ne nye nyôle atan; ve nyô a bo mejian, a bo abé da ndaman nyôle jé émien. Ye mi nji yeme na, mi ne temple Zambe? Nge môt éziñ a jian temple (e ne na nyôle jé émien), Zambe a ye jian nye, amu temple a ne étyi, a mi ne temple été. 1 Becor. 6:15-20; ç:16-18.

NGOE.

Ngôé é ne ndem ya mevale me abé ma: mbia ndian a nso'an bilam. Ngôé ja di jôm ése ja yene adii, te ke ve'ele fiale évo'éziñ. Ja di ji é ne abé ane fe ja di ji é ne mvaé. Ke nalé fe abui bôt da di, ja'ana betit ba to'é mimbim nge ba ba wu abuk; ba yem aya, éyoñ eziñ be nga wu ôkon. Bevok ba di fe metyi, befô ja'an bidu, akk . . . , biôm bise Zambe a nga ve atifiñ na bôt ba ye bo te di. Mam Min. 15:20; Esaie 66:3-7. B'ake ôsu a ve menyôle map mvin, temple Zambe, a ndian ta'a, nyuan ta'a a mvebelan nson, nge mbia élok nsu ba loene na banga, mbie bi andaman mfep ya menyu map, a jalé metyi map a nsu, a bo môt na a bi metum m'aye

jiane nye. Satan a bili bôt bete beloamu nyuan ta'a. Ngule Zambe é ne bo nyu ta'a na, a kôlô mbia tum ate été, to'ana fam nge minga.

Bôt be ne bisoé nge benya bôtô, be nji simesan na ba bo abé éziñ éyoñ ba so'o bilam mevale mese, bia, vin, melen, arki, nge mevale mefe mese me né. Ve te ke nso'o bilam wua a ye nyoñe ngap Ayoñ Zambe. Bia a nji bo bidi, a ne me yok ma wôe mô, mme ngule jé ja ndaman boo, akui vôm benyu bilam (ja'ana ba nyu ve bia étam), be wô'ô bo mam me ne te fek, ane mekut; be wô'ô kui vôm ya wé a wôan, jam be se ngule ya bo tyi'ibi éyoñe be ngenan te nyu biôm." Vin a ne nkpwé'ele, a bilam bi ne nté ntañete; a mô ase a kop été a ne te fek. Minkana 20:1. Metiñ me Moïse ma jô na, nge mô a nga bili mon a ne melo, a to fe nso'o bilam, ésa ba nyia e jô nye te wôk, mon ate a nga yiane lumban mekok a wu. Deut. 21:19-21. Ba bese ba kôme bia a me yok mefe mese, be bili ajô ajô di, be ne bijô abim a ba ba kuan ngé nyu me, amu mejô me Zambe ma jô na: "Ngo'o ba be ne biwôlô mfa'a ya nyu vin, a bôt be ne ne ngu mfa'a ya fulan binyunyui bi ne ngu." Esaïe 5:22. "Ngo'o nyô a ve mô ba nye be to jôm ya nyu, a wo wo kô'ôlan nsule wôe été, a tindi fe nye na a sok." Habakuk 2:15. "Te du'uban: te ke bebo mangan, nge bekañe bezambe befe, nge bebo mejian, nge befam be binga, nge befam ba yaé befam befe, nge miñwuwup, nge bôt minyamete, nge beso'o vin, nge bebiasé bôt, nge benyoñ abet, ba ye nyoñ ngap Ayoñ Zambe. 1 Becor. 6:9,10.

"Ve na, mimboan mi mam ya minsôn mi ayené, mmie mi ne na: mejian, mvin, bisôk, nkañane bezambe befe, mboan bemvi'i, ziñ, ntañete, mesengan, ayaa, metyamane, minkandan, mengam, minyamete, nso'an bilam, mbia ndian, a avale mam ete; mme mete me atu'a lepe mia na, ba be wô'ô bo aka'a mam ete be aye bo te nyoñ ngap Ayoñ Zambe." Begalate 5:19-21. "A te boan nso'an vin (bia), nwô ôte nzametane mam ô ne été, ve mi jaéane ne lut a Nsisim." Beéphésien 5:18. Ba bese ba wô'ô évé, Jésus, nyô a ne anjeñ ya ényiñ, a loen mia a mejô ma: Nge mô a wô'ô évé, a za'a nyu be ma, e zesé, mendim y'ényiñ." Jean 7:38,39. "Vô'ôla'an, nyô ase a wô'ô évé; za'ane vôm mendim me né, a nyô a ne te moné; za'an, mi kus, a di; ya, za'an, mi kus vin a menyañ te moné a te tañ. Amu jé mi ave moné mfa'a ya jôm é nji bo bidi? a ésaé jenan mfa'a ya jôm é ne te jaan? Esaïe 55:1,2.

KU.

Ku, tit ja wulu ve ôte'etek, é ne ndem ya abé ya éles, fulu ya jô na, "M'aye bo akiti, sa den," a nyô a buni biyeñe-yeña mebiañ (ngbwe). Bisô bi ne fo'o fe ve ane abé ya ngbwe. Nleses ô ne aka'avôle ya ku e jama meve'ele été. A yen tyi'ibi ya wup amu a to vôma wuawua te bo jôm, ve a yene étua njuk ya bo mone ésaé, amu a kate kôlô si. Ve nge a tôñe zen ya wup, ja ke suan e ñwôane bôt. Eles mam ya Zambe ja kame bia na bi bo te ye'elan, te lañe kalate Zambe, nge ki e ke nda Zambe. Ja kame fe bia bi bo te fase mejô me Zambe, ma ma ve bia nnôm' éto'ényiñ. Jô na "m'aye bo akiti sa den", a ne ane nge wo wup éyoñ, wup wo kee bia njañan été. Eyoñ Zambe a kobôya wo a dutu wo na ô ke be Nye, a ve Nye nleme wôé den, été été-te fe Satan ke a wô'ô zu, a subu wo bebé, a jô wo tyiñe si na: "Aya? sa den, a akiti, nge mbamba éyoñe mfe ki! Ye melu ma man, den nye a ne aya? Ngo'o medu'an! Mbamba éyoñe ate a ne te yené tyi'ibi! Sa den, a akiti, melu, besondô, bengon a mimbu ve nlôtan, akekui awu da zu nyoñe wo atemetem, a wo wu te Zambe, te ényiñ amu te Christ. Nde Yéhova a jô bia na: "Den nge mia wô'ô tyiñ jé, te boan minlem mienan ayet." Behébreu 3:7,8.

Ekôla'a ku é ne jôm mbo bemvi'i a wô'ô bo je ésaé. Vana, bi ne jô na, ékôla'a kul ji é ne ndem ya mô't a ve nleme wé mam ya bemvi'i, a bo mbo ya avale mam ete, éyoñ a yiane tabe ngule-vevea Zambe mebun. Bevok ba simesan na biyeñe-yeña mebiañ bi ne volô be, nge bengun melan, nge mindi bilé, nge mekok, ja'ana minlak ya betit be wuya be ve tabe mie ndi, éyoñ ba yian loene vevea Zambe éyoñe ya ôkon, nge njuk, nge éndeñela'a éziñ éfe ése, Nye a ne volô be, Nye a ne nté wop. Yéhova a nga ve bone be Israël atiñe di na: "Te me'ete na ngengañ minga ô nyiñ." Nkôlan 22:18. "B'aye bo te yene mô't be wo, nyô a lô'tô mona fam wé nge mona minga wé nduan été, nyô a bo a bo'o mam ya bemvi'i, a nyô a bi'i mam zen ya ntyi'an betit, nge mbibiañ, nge ngengañ, nge mbi minkuk, nge nyô a bo a sili'i bekôn, nge mbo mesimba, nge ngengam. Amu nyô ase a bo avale mam te a ne mbia jôm be Yéhova." Deut. 18:10-12. "Te yalan mfa'a ya ba be wô'ô bi bekôn, nge mfa'a ya mimvimvi'i; te jenañ be a ndaman be be: Ma me ne Yéhova Zambe wônan." Lévitique 19:31. "Nlem wo kôñelan mfa'a ya ba be wô'ô bi bekôn, a mfa'a ya mimvimvi'i, a tôñe be mfa'a

ya bo bijabô, m'aye fe kôñelan asu dam a telé de nlem ôte ngam yat, a m'aye tyi'i mô't ate be bôte bé. Ajô te tunane miabebien, mi bo fe étyi; amu ma me ne Yéhova Zambe wônan. Lé'v. 20:6,7.

Jésus étam nye a ne nyô a nyii minsôn a nsisim bibaane. "Nyô a jamé mbia be mam môé mese; Nyô a yete akon dôé ése." Besam 103:3. "Ye mô't éziñ ya be mia a kon? a lo'en bemvenlé ya Kirke (sa Dokita); a be ye'el' n ajô dé, a meye'elan ya mbunan m'aye nyii nyô a kon, a Tã te a ye bete nye si." Ajô te meman mam abé menan, wua a meme nyô mbok, a wua a ye'elan ajô nyô mbok, ndemben mia ye nyiñ." Jacques 5:14-16.

Nté ôse wo lañe kalate nyô, Zambe a kobô wo na ô kôñelane nlem a li'i mam abé môé, ave nye ényiiñ jôé ngumba; été te fe nsisim ku ñwô ô to nleme wôé été wo lepe wo tyiñe si na: "Te dañe ja'aban, aya, nga ô ne ve nye nleme wôé te akiti, nge sondô a zu, a ne dañe bôbo mvaé mbu w'azu, den nye ñhe a ne ko! Wo yiane tame je'ane mam, ô tame sili nyo nnôm (nge nyo ngal) jame te. O yemeya na éso a ye jô aya, nyua ki, benyo mvôé ki, ye ba ye bo te kpwe'ele wo nga? Ya a ne fe mvaé na ô tame luk, nge ba'a mfe, nyô a yian! Ye ô tameya lôñ nda, afup ki, akk... Mô't nyô, éyoñe a yian ji'a bo nkômbane Zambe mewôk, a vian tyiñelan a vô'ôlô tyiñe medu'an ya Satan. Nté ôse wo bo nalé, wo ve nleme wôé ayet, akekui wo bo ayet ane ékôla'a ku.

ZE.

Tit nyô, Ze, é ne nyô é ne ayok, njet, a ja nye'e ja kuli metyi. E ne vana éve'ela'a ya mbia nlem, ayok, meyaa, mbia njet, a mimboan mise mi ne avale te, mmie mi to nleme mô't. Nyô ase a bili nsisim ya meyaa, njet a metyama'ane, a ne kui vôm ya bo mbia jam atemetem, ja'ana ñwôéane mô't. Da yené ane nge nyu bilam a wô'ô min avale nsisim te éyoñ a min bilam, amu ja'ana a wô'ô bo mô't nlem ô bô si, ve a wô'ô kui na a bo mô't a nji fe bi ngule ya jôé émien. Abui miñwôwoñ da nyu amu be jalé nkômban ya bemvôé bap, nge ki wu ya mbia mboan si mbia mboan kala ya akuna'a." Vin jap é ne ngule benyo, akap nsule beviet." Deut. 32:23. Akuna'a e toto be nlem, wu ô ne njalan a abé, ve Nkune wongan a ne ve Zambe Jésus na:" Nyeka'an bôt ba siñe mia." Zambe a nga tiñeti na a ye jamé bia mam abé mangan, nge bia fe bi ajamé bôt be nga bo bia abé.

NYO.

Etétéa jina, éyoñe é nga to abeñ melu mvus, é nga du'u Adam ba Eve afup Eden été, ndemben a ye tyame mbamba élat ya mefok a nga to zañ ba be Zambe. Jam te e nga tôébane fo'o ane a nga kômbô, ve é nga dutu biyo'é be émien, amu ajô te a nga dimili abeñ dé ése; a ataté éyoñe te, ziñ é ne te amané é nga bembe a tabe e zañe ba mô. Satan a mbe njalan a mesengan, éyoñ a nga yen abim avé Zambe a nye'e Adam ba Eve, nye'an wo kui vôm ya ve be ngule ya jôé si nyô ése, señ ya nyô a nga ku, Lucifer, Satan. Ke avale mesengan me Satan ete, ma ma kui vôm ya wé mô si mô ka amu a lôte bia, mesengan ya angôndô, me nto fe nleme wôé été a ényiñ jôé. Jam te nde da bo wo na ô bo te bo mevak ane ba bevok be né.

Ja'ana bebuni Christ be ne ntelan ya bo ésaé Tate, be fe ba yian tabe ntyele na, nsisim ya mesengan ôte ô bo te bo ésaé be be, zañ bebien bebien a be ébe bebo bisaé be Tate, mbe bete Zambe a ne viane botane be, a ve ésaé jap ngu a lô ba (bebuni bevok) b'asengan be. Mesengan ma futi mbia be asimesan nleme wôé été, ane ô ne wua bôte bevok e yee si, a ndaman mvo'é jap, a jian ba wo sengan be. Mesengan, e zañ nnôm ba nga, me ne tyame alu'u dap été été, a jaé ényiñ jap ése ntuk. "Aban e ne njet aval'ane sheol." Jia Salomon 8:6.

NKONGO.

Tit nyô nje ja di biôm mevale meva, ja'ana ayôme biôm ya tyia. E ne vana ndem ya ndo'o bidi, nye'an moné a ôzañ akum, ñwô ô ne ndi ya mbia be mam mese. 1 Timothée 6:10. Si ya Congo, be nga yene minkongo mi ja'a suluk, ne dididii mebum ve yeme be ne ngbwim, akekui mi nga vian bôlé e zañ a wu. Nge mô a ne afom, a vo'o simesane ve éngôngole mô nge mbubua jôm a billi, na, a yene mvolan. A ve ngule ya jalé menda mé a akum ya si nyô, amu jame te nde a wulu mezene mese a lô me ne tyi'ibi ya wulu, ane a ye yene akum été, ja'ana mezene me ne zôsô nge ma me ne abé a ékotekot, a vuan na biebiem a mingele bia ye ndaman de, a minwuwup mi aye tup menda me akum mé a wup. Math. 6:19. Nde Jésus a jô bia na bi kôan akum dangan nlam ya yôp, vôm ñwuwup éziñ ô vo'o kui a wup. Amu vôm a ne wo akum, vôm ate fe nlem wôé ô né. Math. 6:19-21. Acan

a nda bôte jé be nga wu bese amu be nga nye'e or, argent a bidima mengômesan, a nyoñ biôm bi mbe ntiñetan ya jañ. Josué 7.

Judas Iscariot, nyé'é Jésus, a nga wu awu ya ôson, amu a nga nye'e moné adañe nye'an a nga nye'e Jésus. Math. 27:3-5.

SATAN.

Nyô a ne ésa belaa minsos bese a nye'ele ya ba mbe bete be laaneyaya minsos ve alaan da. Nye a ne mba'ale ya betit bese bana a njôd wop, nye fe a simesan na a jôd nleme môta binam ase. Jésus na: "Mi ne bone be Satan éso wônan, mbia be mam a nye'e mme mi akômbô bo. Emien a ne ñwôé bôt aso atata'a, a nji bo mam me ne zôsô, amu mam me ne zôsô me nji bo nye nlem. Eyoñ a kobô minsos, a kobô jôm jé émien: amu a ne môt ya minsos, a ne fe ésa minsos. Jean 8:44.

OTETE.

Otété wuli ô ne ndem ya mone môt ya nlem môt ase. Vana, ôtété te ô ne évindi, ndaman amu abé, mbia mefulu mese me nga ke émo, nde ô nto te fe ngule ya tu'a bo ésaé via yian bo nlem wu été. Lañe Behébreu 10:22.

DIS.

Dis Zambe e ne vôm ase a é lô jôm/ése é ne nlem été. Te ke jôm éziñ é ne sobô ôsu ya dis Zambe, di da tulan vôm ase. Nde A yem asimesan ese a minkômban mise mi nensolan nlem été. Ja'ana wo bo mbia be mam a môs nge ke a alu da dañe dibi, nge édo'o ya afan été, ôyap, vôm môt mfe a nji bo bebé, a vôm be se ngule ya yem nge wô'ôtan jam wo te bo, ve Zambe a lô, a A lô ne ngeññ jam ése wo ve'ele nge bo.

ANGE.

Ange a ne éve'ela'a ya Mejô me Zambe vôm nyô. Zambe a kobô mbo abé, nyô a nga du'uban, a jô nye na: Kôñela'an nlem a kañese na éfufup Zambe é nyiin nlem wôé, wu ô ne ne viu a dibi ya mam abé. Zambe a kobô fe wo, e kalate nyô été, a wo môt wo lañe nye.

ZUM.

Onon vi ô ne mfuban, nje'eban nlem si, te mintañete, ô ne ndem ya Mfufup Nsirim, Nsirim ya benya mejô, ñwô wo kpwé abé a zôsô, ja'ana zôsôa ntyi'an mejô. Ekanga ji été, Mfufup Nsirim a tele atan, ase ngule ya nyiin nge tabe vôm abé é né, a vo'o tebe vôm abé da jôô.

AYOME AYEME NDUAN.

Ayôme ayeme nduan da bôman nlem mbo abé dili, e ne ndem ya nye'an Zambe, ñwô wo bôman nlem ô ne njalan a abé, amu Zambe a nji nye'e awu ya mbia môt, ve a nye'e na a kôñelane nlem a nyiñ. Jêsus a nga zu ve amu na bebo abé be nyiñ. Etua mevak e ne yôp été, éyoñ mbo abé wua a kôñelane nlem. Zambe a kômbô sôp nlem metyi me Atyi'i Mone dé été, Jêsus Christ. Ayôme ayeme nduan dili e ne éve'ela'a ya metyi mete. Nye'an Zambe wo kômbô nyiin nlem ô nto avoé a ñwuan.

Jêsus a tele mbé si ya nlem môt ase a kut, a kômbô nyiin. Nge wo dii Nye nlem wôé, A ye sôp wô a metyi mé ne fum, a toé wo nti.

EVE'ELA'A BAA.

Ekanga ji ja liti bia môt nye a taté kôñelane nlem a jeñe Zambe. Ange a bili fa nsoñ, Mejô me Zambe, mme me ne veve a m'abo ésaé, a me ne akap adañe nkpwaté mekôn ô ne meyo mimfa'a mibaé, a me atup akekui me asale nlem a nsirim, a bio a foñ, bibaane, a me ne ngule ya yemelane minkômban ya nlem. Behébreu 4:12. Mejô me Zambe ma ba'alan a liti nye na, ma'an ya abé me ne awu, a e ne tyi'ibi be bôte na be wu awu da, a éyoñ be wuya, ntyi'an mejô ô soé. Behébreu 9:27. Asu'ulan ya mbo abé a nyô ase a bene buni Christ, e ne ato'o nduan da yôñ a soufre.

E wo ôvok, ange a bili ékôkoé nlô môt, biwuwua bives. Jam di da bo mbo abé a bo te vuan na, bia bese bi aye wu. Nyôle jangan bia dañe nye'e nyôna, nje ja bo bia na bi dimili étua abui moné, mfa'a ya jalé je ngômesan ja dañ dia, a ve je bidi bia dañ zam, nje bia bo ve jalé minkômban mié, nyôle jangan éte ja ye wu a boé e soñ. Nsirim wongan wo aye li'i minsoñ mi ja'a minsôn, a ji'a ke tebe asu Zambe, asu'éto ntyi'an mejô. Mbo abé a taté ke alo mfa'a ya mejô me Zambe a nleme wé wo ataté kuiban mfa'a ya nye'an Zambe. Mfufup

Nsisim a taté faé éfufup mfa'a ya bido'o ya dibi bi ne nlem mbo abé été. Efufup Zambe é nga taté nyiin a titane abé a dibi ése. Vòm éfufup ja kui, dibi, to'ona é nji nye'e, da



EVE'ELA'A BAA

kôlô a tup. Ayôñe nye'an Zambe é nga taté ve avoé nleme di ndu'utu ya mbamba be mam. Abé, nde e ne betit ba yené ékanga ji été, e nga mate, a tup a ke.

A mbo abé, jôké'é Jésus, Efufup ya si nyô, a nyiin nleme wôé! Nde dibi ese a mimboan ya dibi, mi aye kôlô wo nlem, aval'ane ô lô ékanga ji été na. Jésus na: "Me ne Efufup ya si nyô: mô't a tôñe ma a ye wulu dibi, ve a ye tabe éfufup ya ényiñ. Jean 8:12. Ngo'o ba ba nye'e dibi a vini éfufup. Eyoñ Jésus a nga nyiin temple ya Jérusalem été, a nga titan bekuan binyaka, mintômba a bezum, a sô'ôlô betebele befolan moné e si a jô na: "Nda jam é ne nda meye'elan, ve mi aviane bo je nda minwuwup." Jean 2:13-17. Nda é ne nleme wôé. Jésus a nga zu sa ve na a jamé bia mam abé mangan étam, ve anga zu fe na avaa bia éto belo ya Satan si. Ajô te nge Mon a ye bo mia beti (Jésus), mi aye fo'o bo beti. Jean 8:36.

EVE'ELA'A LALE.

Vana bi lô fo'o éve'ela'a ya mbo abé a kôñelaneya nlem nya nkôñelane. A wô'ôtaneya a a nlô abim avé mam abé mé me ne anen a angôndô, a yemeya na abé te nde e nga bômôlô Jésus e croix yôp, awuya njet, étua mintae. Nté mô't nyô a fombô croix (mejô me Zambe) nje ange a bili, a nje a liti nye, nté ôte fe nlem wé wo tya'aban amu ôlun ya abé, nde melu mvus, a nga wulu été. Nye'an Zambe, ñwô wo litiban ngumba be Jésus Christ, wo bo nlem ôte na ô nyemé, amu a simesan ve Jésus, Mone Ntômba Zambe, Nyô a nga vaa mam abé mé, mme me mbe bizuk, a A nga kañese fe na a wu awu ya étyi'a, e croix yôp amu nye. Amu Jésus a nga bômban, be nga jalé Nye couronne biyo, be nga tulane mesen mo mé a mebo mé, a A nga tyélebane croix yôp nalé, amu mam abé mangan, jam te da bo nlem ya mbo abé a kôñelan na ô tya'aban amu mintae ya awu Tate.

Nté ôse a lañe mejô me Zambe a bo mbo ya été, a ntele fo'o éyet ya Zambe été, vôm a tu'a yen abim avé nlem wé ô ne évindi, njalan a abé mevale mese. A mintae ya jame te mi ajii nye nlem a tup wô, a nsisim wé, njalan a ôlun amu abé, wo bo nye na a yôn. Eyoñe te nje ñhe Zambe a subu nye bebé. Nye'an a mvo'é Zambe bi nga nyiin be nye a taté jaé nlem wé, wu metyi me Christ me maneya sôp. A yem éyoñe jina na, Yéhova a ne ba be ne minlem ntya'an, bebé, A nyii avale bôt e ne minlem nje'eban si, ba nsisim ô ne ntya'an a ôlun. Besam 34:19. A saé ba be ne ntya'ane minlem, a tiñeti meveñ map. Besam 147:3. Mejô me Zambe me ke me beta'a

ba'alan nye na: “Ve m'aye fombô mfa'a ye be môť nyô, ja'ana be nyô a ne nsilane si a bili nsisim w'awô'ôlun, a nyô a fô'ôban amu njôan wom. Esaie 66:2.



EVE'ELA'A LALE

Mfufup Nsisim a nye'an Zambe bi ataté nyoñe nlem ô nto mvosan wu ane éñwop. Nté ôse môť nyô, amu mbunan, a fombô croix Jésus a metyi mé, mme me nga sôéban, amu me bo ntañe ya mam abé mangan, nté ôte nwô a tu'a yem na mam abé mé me nto njaman, a a mbili ndi e nlem wé éte

na, metyi me Jésus, Mona Zambe, me tuneza nye abé ese. 1 Jean 1:7. “Môt a buni Jésus a ye fe jañ, ve tabe ényiñ ya melu mese.” Lañe fe Becor. 6:10,11. Bi bili nkôtane wongan be Nye amu metyi mé, njaman ya mintyamane metiñe miangan, avale ane abui mvam jé. Baéphésien 1:7. Tame yene nlem wé ô mbili mféfé nsisim, a ataté éyoñe te a nji fe nye'e si nyô a mam ya été, ve a nye'e mam me Zambe a kômbô bo me, amu nye a jaléya nleme wé a nye'an. Betit, e ne na mevale me abé mesese'e, be nji fe bo nye nlem été, be ntele atan, akôsa bo miene ya abé, Satan, nye fe a kôlô nlem wu a ke; ô lô, a ngenan a fombô'ô mvus, amu a to ndi na, môs éziñ, a ye fe yene afôla ya beta nyiin été mféfé nyian. Nde Kalate Zambe a jô bia na, bi mombô a ye'elan, ndemben bi ne ngule ya wosane Satan, ane a ye tup a mate bia a ke ôyap.

EVE'ELA'A NYINI.

Vana, bi lô Mbuni Christ, nyô a mbili, amu Tate, Nyii Bôtô, Jésus Christ, nya mvo'é a nya njaman mam abé nleme wé été. Nde, a nji fe wum a jam afe, vengvenge ve amu croix ya Tate Jésus Christ wongan, amu nje éte si nyô é tyebeya croix yôp mfa'a wé, a nye a tyebeya croix yôp mfa'a si nyô. Begalate 6:14. A yemeya nya nyeman na Jésus a nga wu croix yôp amu na bia fe bi wu mfa'a ya mam abé, a vebe mfa'a ya mam ya zôsô. 1 Pierre 2:24. Mbuni Christ a nto ntyeban croix yôp si nyô. Nde Kalate Zambe a lepe bia na bi wulu a Nsisim, ndemben bi aye bo te bo nye'ane mam ya minsôn. Begalate 5:12-25. E ne fe njôan vôm mfe na bi tôñe mfuban, amu nge ô ne momo, te ke môt a ye yene Zambe. Behéb. 12:14.

Ezezañ ya ékanga ji, bi lô akôn e tele, vôm ate nye be nga ka'a Jésus a bityé éyoñe te be maneya soté Nye mengômesan mé. Bi ne ngule ya yene minkasa a alé, mbie be nga bôme Nye bie, mbôman ya njet, amu melep me nga yiane zu be bia, me nga vian ke be Nye. Esaïe 53:5-6. A mbe mbiban amu mintyamane metiñe miangan. Njô bôt Hérode a usamba wé, be nga kpwe'ele Nye a valé be maneya bôme Nye, be nga jalé Nye étôto'o ngômesan. Eyoñ be nga mane lôñe couronne biyo, ane be nga jalé Nye je nlô señ couronne or. Be nga kee fe Nye ôlé wo ya mbo nnôm, señ ntum Njô Bôt. Be nga kute meboñ si asu dé a kpwe'ele Nye a jô na: “Mbôlô Njôô Bejuif!” Be nga tui Nye menden asu, a nyoñ ôlé be nga kee Nye mo, a bibi Nye vie nlô. Eyoñ be nga mane kpwe'ele

Nye abim mekpwe'ela'a ese e mbe be minlem, ane be nga ke tyelé Nye croix. Abui bôt e ne, nde d'aloebane bebuni Christ, be ye'ela'an menda me Zambe été, be ja'a bidi bi Zambe, be yi'a bia bi Zambe, ve mbia mimboan miap mi

Ntyebane croix.
yôp bia be Nye.
Begalate 2:20

Nwuan mfa'a ya
abé a veve mfa'a
Zambe be Tate
Jésus Christ wo-
ngan été.
Berom. 6:11.



EVE'ELA'A NYINI

abeta tyelé Tate croix mféfé ntyelan. “Sa môt ase a jô me na, A Tat, A Tat, a ye ke ayoñ ya yôp; ve nyô a bo ane Tate a ne yôp a nye'e. Math. 7:21-27. Mi ne fe ngule ya yene êkanga ji été, mfe'e moné Judas a nga bo a ba'ale moné, ô bô. Judas a koñe Jésus a kuan Nye amu bifase bi moné

mewôm mela; nye'an moné ô nga bi mbia nlem wé a nyoñ wô ngumba, a ve wô ndim. Belampe, bengôkobô, akk., mbie bezimbi be nga zu bi Jésus a alu be nga bo bie ésaé. Okô'ô ludô fe le ô bô, nwô bezimbi be nga do wô mengô-mesan mé abia, ane mejô Bekulu mejô be nga kuli mejô ajô Jésus m'aye tôéban: "Bebien b'akabane mengômesan mam, a éwomam jam b'ado je abia." Besam 22:19.

Akoñ dili nde mone bezimbi a nga jii mvaé jé é tulane nlem, ane mendim a metyi bi nga ji'a kui. Jean 19:33-37. Te na nnôm kup a loñ, Pierre a nga kate Jésus asu be mbo ésaé minga; ve a nga su'ulane jôban a yône ngu. Ve wo, ye wo mem fo'o Jésus a bifia ya anyu dôé nge a mimboan miôé? Jésus a nga jô na: "Ve bôte bese mô't a ye kate ma vôm bôt be to, ma fe me aye kate nye be Esa wom a ne yôp." Math. 10:32,33. Jésus a nga jô fe na: "Nge mô't a ye tôñe ma, wôna a nyumu'émien mam, a beke'e croix jé a bo ane me abo. Math. 16:24. A na: "Mô't a bo te be'e croix jé a tôñe ma, a nji bo aka'a mô't da yiane bo mô't wom." Math. 10:38.

Ako'o ya ba mimbu, mbiban amu ma,
Kañese'e na me sobô be Wo.
Ngo'o mendim a metyi bi nga kui
Mvaé jôé, nje be nga jii akoñ,
Bi ne bo nya biañe ya abé dam,
Ngô'tô ya élaé jé a ngule jé!

EVE'ELA'A TANE.

Vôm nyô, bi lô ényïñ ya mbo abé a nyiñeya é nto fo'o ve mvo'é, ve mevak, mfuban a étyi, amu abui mvam Zambe a nkoane bôt éngôngole wé. Enyiñ mbo abé a nyiibane ya nyô é nto fo'o nya temple Zambe Esa, Mon a Mfufup Nsisim, aval'ane Jésus émien a nga jô na: "Nge mô't a ye nye'e ma, a ye ba'ale mejô mam: Esa wom a ye nye'e nye, bi aye zu be nye a tabe be nye. Jean 14:23. Zambe a semé mô't, a botane nye nge bete nye yôp, ve be Jésus Christ étam. Luc 1:52.

Nlem ô nto fo'o temple ya vevea Zambe. Abé e nga maneya kôlô. Betit ya abé, ba be nga bo be wô'ô Satan, ésa minsos, be nji fe yené, a Mfufup Nsisim nye a nyoñeya nlem ô bo éto jé. Mbia mimboan ya minsôn mi maneya, nlem

ô nto afup e bili abeñ bilé, bi bi awum bibuma, a bibuma ya Nsisim, mbie bi ne na: Nye'an, Mevak, Mvo'é, Evôvoé, Njiban, Mvam, Zôsô, Mbunan, Nje'ebane Nlem si, Njôan nlem, a jam afe ese Zambe a bôt be ayene mvaé. A nto fo'o afas Nya Ndi'i, Tate Jésus Christ, wongan. Jam da bo nye

Nye'an
Mevak
Mvo'é
Njiban

Zôsô
Mvam
Mbunan
Nje'ebane nleme si
Njôan Nlem



EVE'ELA'A TANE

na a wum bibuma é ne nsolane jam wuna na, a to be Jésus Christ, a Christ a to be nye. Jean 15:10. Nde a ba'ale de mejô me Zambe nleme wé été. Amu a nga baptizôban

a Mfufup Nsisim, a nto fe njalan a Nye, nde a mbili ngule ya jôô minsôn a minkômban ya minsôn mise, a tyelé bie croix yôp. Amu ngule Mfufup Nsisim, a nto ngule ya wulu a Nsisim. A nji fe nyiñ amu a wôk, nge yen a yemelane mam étam, ve a nyiñ amu mbunan; amu mbunan be Jésus Christ ô ne ndañan ya si nyô. A nyiñ a ndi nlem a a nyoñe ngule jé be vevea ndi nlem a bili be Jésus Christ na, a ye beta so. A nyiñ a nye'an Zambe, ñwô a to été, ñwô ô to nnôm'éto a nnôm'éto.

“Ebotan a bôt be ne mfuban minlem: amu b'aye yene Zambe. Math. 5:8. Njô bôt David, akôsa bo bo étôto'o jé ése a duma a nga bili be besiñ bé amu ndañan a nga dañ be, akôsa bo a nga wé Goliath a minyôyo'o mife abui, a nga bo te bôé nleme wé si, amu a nga jeñe jam a bo'ok ane a ne yene Zambe. Ane a nga yône nleme wé été a jô na: “Téé'me nlem ô ne mfuban, a Zambe; a beta ve ma nsisim ô ne mvo'é nlem été. Besam 51:12. Te ke mô't a ne tune nleme wé a ngule jé émien . Mô't ase a yiane zu be Zambe a nsisim ya nya nkôñelane nleme, a mem abé dé ése, aval'ane njô bôt David a nga bo, nge aval'ane mon a nga ke si é ne ôyap a miase akum dé émiásémiásé a nga bo, nye a nga li'i bengôé a nga bo a ba'ale'e, a bulane be ésa ane a nga to, nlem ntya'an a ôlun, mejôba'ane a mintaé, a jô na: “A tat, me nga bo abé mis me Zambe a mis môé. “Zambe a ne bebé ya volô nyô ase a zu be nye a nsisim ya nya nkôñelane nleme, amu Zambe émien a nga jô na: “M'aye fe ve mia mféfé nlem, a m'aye futi mféfé nsisim minlem mienan été; m'aye vaa nlem ya akok ô ne mia minsôn été, a m'aye ve mia nlem ya minsôn. Nde m'aye futi nsisim wom minlem mienan été, a tindi mia mi wulu memvinda mam été, a mi aye ba'ala minjôan miam a bo mie. Ezéchiel 36:26. Jina é ne mféfé élat nje Zambe a nga bo a yemete a metyi me Mone wé Jésus Christ.

Ekanga ji été, ange a nga beta yené. Yeme na beange be ne minsisim mi abo ésaé Zambe, mbe Zambe a lôme na be ke bo ésaé éziñ be ba be ne benyoñ ngap ya ényañ ya melu mese, a be aba'ale ba b'ako Tate woñ. Behébreu 1:14; Besam 34:8; 91:11; Daniel 6:22; Math. 2:13; 18:10; Mam Min. 5:19; 12:7-10. Ekanga ji été, bi lô fe Satan a nga beta yené, a tele e fefele nlem, a yange'e, nge a ne bi mone fan ya

nyiin, a ye bo te jôban, ve ji'a ke vôm a nga to. Bi ayiane fo'o mombô a ye'elan amu Diable, nsiñ wongan, "a ke a bam aval'ane ngbwengbwem j'abam, a jeñ nyô a ne ngule ya bi." 1 Pierre 5:8. Ve mi wosa'an diable, ndemben a ye mate mia." Jacques 4:7.

EVE'ELA'A SAMANE.

Jina é ne éve'ela'a ya mô't a bulane mvus e mam ya Zambe. Dis e nga taté dim, jam te da liti na mbuni Christ a nga taté bo avoé, a nga ndeñ ôyo, a ntyete mam ya Nsisim. Dis avo'o ki e ngenan é fombô'ô, te ôson; mbôma'ane, é to ane nge da kômbô bo bijañ a si nyô! Efufup ya nlem é nga sibi, a mam mese m'aliti na, nyôna a ne mô't a nga jibi mintae amu ajô Christ, me nto te fe tu'a yené, ve bijuju'u bijujuk. Mô't nyô a wombaneya ézezañ ya meve'ele été, mme m'ataté dañe nye ve ôte'ete'ôte'etek, amu a nto te fe ngule ya wosane je diable, mve'ele bôt. A nto te fe nye'e a wô'ô mejô me Zambe, ve a baé alo e tyiñe mve'ele bôt. Akôsa bo a ngenan a nye'a kele bisulan, a ve'ele solé bôt nye'an mam ya si nyô ô nto nye nlem ne lut, ô lô, a ke fo'o Zambe ôyap môs ôse, a a dimiliya nye'an wôé ya atata'a mfa'a Zambe. Otété, e ne na mone mô't wé ya nlem, ô nto te fe faé nye nlem, a croix mfa'a wé, é nto fe nye adite mvabe ya be'e. A yeñelane mam ya mbunan été, amu a jô'éya meye'elan, vôm ba Zambe be nga bo be laane minlañ. A nji fe sili na nleme wom ô ne aya e zañe bia Zambe, momo, amu a nlu ve be mve'ele bôt, nye a wone nye nlem, nye ane ve tyiñelane nye nyôle mbôma'ane, a mobô'-ô na a bi!

Nsisim ya pañ ô nga zu wo subu, ô jeñe na nge wo nyiin. Mô't ate a nto étua mebun, melitan a éngelezek; mô't nyô a nji fe buni na mô't mfe a ne, a vuaneya na a ne mbuni a na a nga nyiiban ve a mvam Zambe. Nso'an bilam ô nga kute mbé, ô vuñuk na ô ji'a nyiin nleme wu, ô za sup éto été. A nye'e a wô'ôk tyiñe ya mô't a jô nye na, tame nyu ve tyôtyoé; nyô mbo'o na bia a ngenan, a mô, nya'ak! Bia a nji bi abime nsu e ne ndaman mô't. Ve! nyuane mone abim te, bia étam, ô ne aval'ane mone ôtdñ, nye a siliki a ke suane beta ôsôé ya nyuan bilam, a beta ôsôé ate ki a ke suane mañ ya nso'ane menu! Ja'ana ô ne te nyu, ve wo ve mô't mfe na a nyu, ja'a nyo ngal nge nyo nnôm, mô't a ne te nyu ate a du'ubaneya a nsisim ya menu, amu nye fe a nyu a zene ya bôt a ve na be

nyu. Bisók a mejian bi nga wone mbuni nyô a mefe'e mese ma so vôm ya njañan. Eyoñ ji a nga nye'e a wô'ók minlañ mi nji yiane melo, mbia minlañ; a nga nye'e fe a kelek minsamba beéwuluwulu, beke mebók mevale mese. Môt éziñ



EVE'ELA'A SAMANE

a ne lepe nye na, nge wo nye'e wo jem, ke ô ne jibi ke abô'ô bebuni bebuni b'ajem, sa di mia be bezesé be bôt mi ne mbunda'ane. Ase fe ngule ya wô'ô melep, amu a nji fe simesan nge yeme na, nseñ abók ô ne vôm mevale me abé mese m'atôkan,

to'ona abôk bebuni bebuni b'ajem, nde d'adañe angôndô. Nyuan bebuni b'éziñ b'anyu ta'a, te mone awo'an, alu ba môs, ô ne fe abé, amu wo funan wu ya ba be nji buni. Ngo'o nyôle mbuni Christ, temple Zambe, nyô Mfufup Nsisim, (1 Becor. 3:16 a 6:19), a bi nji yiane ve temple ate mvin, a loé ta'a été, zene ya nyuan, ndian nge mvean nson, ta'a a bili mbia nsu b'aloene na "nicotine." Jésus a nji ve'ele nyu ta'a, a wo, mbuni wo jô na wo tôñe Jésus, wo fe te beta nyu ta'a.

Satan a jô nye na, bivôé bivôé mia abé mi abo bi se ke étyi, ke ô ne su'u ve bivôé étam. Nalé fe na, nge wo bo abé ve éyoñe jia, ye nalé a ne wo ndamane jam, nge jaé ényiñe jôé ntuk, nge na, ye môt a wu été? Tame ve'ele! Mejô me mve'ele bôt mme le. Ve ane môt a bo abé ve éyoñe jia, awolo te nde mbia nsisim a nyiin nye nlem a ngul' ése, nlem ô nto mfubane wu a étyi, a ji'a nyoñe wô ô bo énwôé.

Môt mi lô a jii fa nsoñ nlem le, a ne ndem ya ba b'awosane mbunan Christ, a kpwe'ele wô, a jii wô mbia mejô ya angôndô nlem. Môt a bulane mvus nyô a vo'o fe jibi mekpwe'ela'a nge zômbô ékpwe'ele, a fun ja'ana bifia bi fianga ébiasé bemvôé bé ba wua nye, bifia bite bi a lume nye ve nlem, amu nye'an Zambe ô nto avoé été. Eyoñ jina a vian mate bôt a lôte Zambe. A amu woñ ôte, a bulane mvus a ke bo ôlo ya bôt.

Ayaa, mbia asu, éyoñe nju'ôné, bi nto njalan nleme wu, a mbie bi nga jôô wô, nté meta a mbia nkobô ase a nga ke émo, bia ve biyaé bié mvit; ngo'o biyaé bi nga bo bi ye'elane Zambe a kañe Nye! Nté ôse Satan a yeneya mone anyin, émien a ye nene vôm ate a bo beta mbé, ane mevale me abé mese m'aye kuu a ke lôt e beta yôyoa mbé nyô, nye a nto te fe ngule ya beta diban.

Ane étua tyi'ibi ya kui nleme wongan mbé ya nye'an moné, nge bi ve'ele vuan njôan Tate Jésus na: "Momba'an a ye'elane Zambe, ndemben mi aye bo te ku meve'ele été." Math. 26:41. "Ajô te nyô a simesane na a tele, a tuka'a fombô, a za ku! 1 Becor. 10:12. Bia yian jaé biôm mewosan ya Zambe bise, nde bi ne ngule ya jibi éyoñe ya mbia môs. Lañe Beéphésien 6:11-18.

EVE'ELA'A ZANGBWALE

Nlem wu ô ne wu môt a kuya, nye, melu mvus, a nga wulu mone nté éfufup été, a tye'e mvaé ya mam ya yôp, a nyoñ ngap ya Mfufup Nsisim. Nlem ôte ô ne fe éve'ela'a

ya môt a ngenan te buni Christ môs éziñ, akôsa bo a jaéya wô'ô mejô me Zambe. Ve môt ate a vañeya ve nleme wé ayet a a ke ôsu a bo nalé, amu mboan abé.



EVE'ELA'A ZANGWALE

Jésus émien a nga kate foé ajô môt a kuya, vôm a nga jô na: “Mbia nsisim, éyoñ a kôlôya be môt, a ke lôte minkôte mi si, a jeñ awo'an; amu a bo te yene de, ajô te a jô na, m'aye timan nda jam vôm me nga so. Eyoñ a kuiya, a koé nda mvosan a nkôman. Wôna a ye ke nyoñe minsisim mife zañg-

bwa mi adañ émien abé; mi ve nyiin été a tabe wôé; éto môť ate a su'ulane tabe, je adañ éto a nga taté tabe, abé. Luc 11:24-27. E boya be aval'ane nya nkana a ne na: mvu je abeta kôñelan vôm ndôlô wé émien a né, a ngale ngôé a ma-neya woban a beta bulan a bum ndobo'été. II Pierre 2:22.

Mevôm abui ya Kalate Zambe m'akate bia ne sañesañ avale nleme môť nyô ô nto. Abé a mefe'e mé mese, e beteya so a zu nganebe nleme wu a jôô wô. To'ona wo fombô môť nyôna ve asu, wo aye yene abim avé asu dé d'aye kate wo foé ya nleme wé na, ô nto fo'o ve ndamandaman. Mfufup Nsisim a ngaa kôlôya nleme wu été ayap, amu abé a Mfufup Nsisim be vo'o tabe vôma wua. Dibi ba éfufup be nji bo jôme jia. Te ke nlem ô ne bo éto jia na, ñwô temple Zambe, ñwô fe afumba'a Satan. Ange (Mejô me Zambe), a kôlô nleme wu été mbot asu a nlem ôlun, ve a beta'a fombô mvus, amu a simesan na, môs éziñ, môťe nyô, fam nge minga, a ye wô'ô abé dé ôlun a jôbane de, a li'i de, a kôñelane nlem, aval'ane mon a nga ke si éne ôyap a nga bo. Nye, éyoñ a nga to si mfôm vôm bengôé be mbe be ja'ak, a kômbô'ô di ja'ana ve bikôla'a bibuma bengôé be nga bo be ja'ak; te ke môť a nga ve nye jôm! Ane a nga yene émien éngôngole môť é kuya a é dimiya. Ve éyoñ a nga bo fe'e nlem, a nga kôñelane nlem a jô na: "M'aye kôlô si'a bulan be tate, m'aye jô nye na: "A tat, mé nga bo abé mis me Zambe a mis môé: ô nji fe yiane loene me na mone wé." Amu nya nkôñelane nlem ya mone nyô, a ôlun a nga wô'ô abé dé, ésa a nga jamé nye, a yamé nye mone ényaka a ne avoñ, a bo beta dina, a va'a mone wé.

Ve ékangan ji été, môť nyô a nji bi nsisim ya nkôñelane nlem, wu ya bulane be Zambe a ku mebo me Jésus, a jeñe njaman a ntunan ya mam abé mé. Mone môť wé ya nlem a nto aval'ane nge a ne ndi'an a nduan ja nyemé bityé, ñwuan. Môť nyô a bili melo ya wôk, ve a nji fe bo ngule ya wôk tyiñe ya nye'an ja loene nye, tyiñ Zambe. A bili mis, ve a nji fe bi ngule ya yene édo'ébé ya nduan ya nnôm'éto, nje a mbeme ke ku été ana'ana. Oson nge mone woñ éziñ bi nji fe bo be nye, a a bo abé ve éngengeñ. Amu Satan nye a zuya nyoñe nlem wé a bo wô éto, a bo fe njôô ya été. A ne te fe beta bi mbamba asu wé ya mbuni atan, ve a ve ngule ya bo nalé, a tabe asu dé te mebun, amu bôt be lô nye mbuni atan, ve akôsa bo nalé, a nto aval'ane soñ mekok é ne nduban atan a fem ja fum, ve été, é ne njalan a bives bi bôt a mvin ya abé

ne lut. Math. 23:27. Esa minsos nye a nyoñeya éto ya Nsisim ya benya mejôô. Tit ése, e ne na avale abé ése, é bili mbia nsisim wôé, wu wo volô je na é tu'a tibili nleme mô't a jôô wô. Nde, to'ona mô't nyô a kômbô vuñ na a kôlô mbia éto ya abé wé, a vo'o fe bo jame te a ngule jé émien, amu a nto ôlo ya abé. Eyoñ te mejô me ne ntilan, mme Zambe a nga kobô anyu mbo ésaé wé Pierre, ny'éé Jésus, m'ayiane nye na: "Mô't a biasé metiñ me Moïse a wu te éngôngo, mia simesan na, za abim beta melep a ye tyi'iban ajô na a yiane nyoñ, nyô a tibiya Mone Zambe mebo si, a a yeneya metyi me ya élat éte jôm ya étyi, mme mete a nga télébane me mfa'a Zambe, a a biaséya Nsisim ya mvam! Lañe Behébreu 10:29-31; II Pierre 2:1-14.

A mba mojañ wo lañe kalate nyô, nge anana nye nleme wé ô né, Lo'en Zambe édo'o ya nsisim wôé été. A ne ngule ya nyii wo a A kômbô bo nalé, A ye jamé wo mam abé môé mese, nge wo zu be Nye a nsisim ya nya nkôñelane nleme. Ane ngule ya ka'a Satan a nsamba wé ôse ngata'a a titane be nleme wôé, nge wo jô'é Nye a bo nalé. Za'ak, ane nzezam ô nga zu be Jésus, a subu Nye bebé a jô na: "Nge wo me'ete, ô ne ngule ya saé ma." Marc 1:10-43. Ve nge wo ke ôsu a ve nlem wôé ayet, a nye'e dibi sa éfufup, mone ndi nlem éziñ nge mvolan bi aye bo te yené be wo, amu womien ô tobeya awu sa ényiñ, ô nye'eya dibi sa éfufup.

EVE'ELA'A MWOMO.

Vana, mbo abé nyô, nyô nleme wé ô maneya bo ve ayet ayet ane akok, a nga ke fo'o a subu mfôm awu; nyôle jé é nto njalan a mintae a woñ ya awu. Amu awu (nkôte bivesa mô't wuli), é soya éyoñ be nji bunan de nge nye'e de. Ve akôsa bo nalé, awu, angôndô, a mis mé me ne bido'o malé, da fombô nye ve mise me njet. Mbamba be mam mese abé e nga bo é liti'i nye, be maneya jañ a ke ôyap; a li'iya mô't nyô ve na a yiane ve tañ ya abé a nga bo, te ke selan. Woñ ya awu a ényan nduan ya étôtôlan, bi jaléya nsisim wé a angôndô. A kômbô ye'elan, ve a vo'o fe bo nalé, amu a nji fe beta bo nyô a yiane subu Zambe bebé; melep ya bemvôé bé, akum a nga kôan, moné a nga nye'e, bi se fe ngule ya nyii nsisim wé, nge volô mintae ya nleme wé, nge ve ényiñ jé ayap. Eyoñ a kômbô simesan Zambe, Satan a ji'a zu vaa nye ôsimesan te nlem avôl'avô. Mam mese a nga bo a nyeke'e a ma mese a nga to me mebun émo minlañ, mese me nga woé nye a kpwe'-

ele nye. Mbia beba'ale mintômba ya si nyô be nto te fe ngule ya volô nye. Môt nyô a yemeya na a ne étua angôndô ya ku mo me Vevea Zambe. A nga simesane na a ye buni Zambe énoñ ôkon jé yôp, tame yen éyoñe ji, e nji fe bo nye tyi'ibi,



EVE'ELA'A MWOMO

amu a nji fe bi ngule ya kobô, a dibeya anyu, a ke te ma'an! Bizu'u bi bôt bia 'wu nalé, atemetem, te ke mone afôla ya bi wo Zambe. Nde Kalate Zambe a jô na: "Jeñan Yéhova nté a ne ngul ya yené." Esaie 55:6.

Môt nyô, éyoñ a yiane wô'ô tyiñ ya nye'an, tyiñe Zambe; awolo a wu, mbo abé nyô, nyô a nga bene mvam a nye'an Zambe, a viane wô'ô tyiñe Njô Bôt, tyiñe Beta Ntyi'i Mejô, é jô'ô na: "Kôlô'ô vôm me to, a mô't ô ne biyo'é, a kele nduan ya melu mese, Zambe a nga kôme je Satan a beange bé;" Math. 25:41. A aval'ane e ne ntyi'an be bôte na, be wu awu da, a éyoñ be wuya, ntyi'an mejô ô soé. Bahéb. 9:27.

EVE'ELA'A EBULU.

Nleme wu ô ne éve'ela'a ya wu nya Mbuni Christ, nyô a nga dañ meve'ele me nduan, mme Satan a nga futi minsôn mié été. A nga yene abim meve'le ese wo simesane na mô't a ne ngule ya yene si nyô, me so'o mimfa'a mise, été a atan, ve a nga jibi akekui asu'ulan. A nto ndañ ya bedañ amu Jésus Christ, amu na, a nji taté mbil ve ntatan, a nga sondô wô nsondan ya ndañan, amu mise mé me lô ve Jésus Christ, Ntaté a Mbo nya mvo'é ya mbunan wongan." Behéb. 12:1,2.

Satan a nsamba bita wé, a bômane nlem Mbuni ne kpwok, a jeñe anyiin, ve te ke yen to'ona ôlaé nge alongo. Mebun a mesengan, nye'an moné, mbia nsisim, bi tele wé a kut a bi kômbô'ô nyiin, mbé ya nleme wu ve ndiban ne ti. Mvu ba ze be nji fe yené, nnôm ékela a éjakas mbie bi ntele; nne ñhe abé e wô'ô veñesane menyôle nalé. Ve Mbuni a bili mis me ne akap, a wô'ô ji'a yene abé, ja'ana da jaé nyôle ya mbamba be mam, ja'ana da yôban mbunan nge ange ya éfufup, amu mejô me Zambe a Nsisim ya benya mejô bia liti nye zen, a volô nye na, a tu'a yeme kandé abé a mvaé. Sa ve abui betit étam nde da yené vana, ô lô, mô't a tele fe nye ôsu a jemek, a bili élaé meyok e mo. A ve'ele Mbuni Christ a mbamba be mam ya si nyô: abôk a binyunyui mevale mese. Ve mam mete mese me nji fô'ô mbuni Christ, amu a nto nte leban étyi, ñwuan mfa'a ya abé a mfa'a ya si nyô. Nté a yene meve'ele, nté ôte nwô a viane dañ subu subu Zambe bebé.

Môt mbo'o ki a jii nye fa nsoñ e nlem. Avale te nde nlem mô'ta Christ ô né, éyoñe ése ve nluman a mbia mejô, minsok ane a lume mvus, mekpwe'ela'a éyoñe be lô a zu ôyap, njeñan bitom, mbie bôt ba be be to ba jeñe nye awolo ése, ba be ne te buni a ba ba loene bebien na bebuni, bese ve tya'a Mbuni Christ mintañete, a bôte nye mejô na, a yené mvin mise me bôt. Ve nya Mbuni Christ a volô nlem a sili wô si a mejô me Christ, na: "Ebotan a mia, éyoñ bôt b'aye

“Momo, mfa’a ya mam mete mese bi adañe ba ba dañ, amu nyô a nga nye’e bia.” Beromain 8:35-39. Amu a jaéya biôm mewosane ya Zambe bise, nya Mbuni Christ a nto fo’o ngule ya jibi éyoñe mbia melu me né, a amu Mfufup Nsisim, a dañe minsôn a jama mam a meve’ele ase y’été. A yeme na Christ, nyô a nyiñe nlem wé été, a ne ngule ya dañe Satan a minsamba mewosane mié, amu nyô a ne be bia été a dañe nyô a ne si nyô ngu, Satan. Jésus Christ a dañeya Satan, abé a awu, a be Nye bia fe bi ne bedañ. Couronne ya duma é nto énjangan, amu é nto bia mvean.

Otété ya mone môť ya nleme mbuni Christ w’afaé a san. Nleme wé ô ne njalan a mbunan, a Mfufup Nsisim. Ange Zambe a ne nye mfa’a ya yôp, a ba’alane nye mintiñetane mi Zambe melo, mmie a nga tiñeti bedañ bese, ba bese ba jibi akekui asu’ulan. Nlitan 2:7,11,17,26; 3:5,13 a 21.

Mfe’e ô bô wuli, ô yoo, wo liti na, sa ve nlem étam ñwô mbuni Christ a ve, ve a ve fe ja’ana moné nge biôm bife bise a bili, amu bi mbô zesé be Zambe, a veyá Nye émien a biôm bié. A nji fe ndaman moné a mam me nji yian, a nga viane volô nye bôt be ne bingôngo a ve nye minzôzoé, te lañe na a ve fe ngap awômô a mimvean mise a nga tiñeti na a ye bo a va’ak a nye’an. Moné mbuni Christ a nji fe ndaman mfa’a ya bibole bi mam ya si nyô, ve a nga bo ésaé mfa’a ya duma Zambe.

Bi lô fe mone étune fembé a kos bi bô valé. Bi aliti na a yian nyiñe ényiñe ya suu émien si a bo ngosé. A nji fe nyoñe bia a vin na be bo nye bidi, a a nji fe ve émien mvin mfa’a ya di biôm bi nji yian, metyi a betit ba wu abuk; a nji di ta’a nge nyu nye, amu a simesane na a yiane ba’ale nyôle jé mfulan ane temple Zambe. Nleme wé ô nto nda meye’elan, amu a ye’elane nda jé bियोñe bise, a ye’elane fe nda Zambe. Môs ôse a loene bôte bese ya nda jé, minga wé, bon a bebo bisaé bé, nge a bili, na, be bo meye’elan, amu a tu’a yeme na môta Christ a vo’o nyiñ nge meye’elan momo, a nyiñe mvo’é nda jé, momo; a ne aval’ane kos, nje é vo’o nyiñ te mendim.

Kalate a bô nkuane nyôlé a liti na Kalate Zambe—Mejô me Zambe—a ne nye kalate a yoo ôsu vié melu mese, amu na a lañe nye a fase nye môs ôse a mban, anté a to si nyô. A ne nye lampe ya mebo mé a fa nsoñ ya dañe je satan. Kalate Zambe nye a ve nye ényiñ môs ôse, fembé ya Nsisim, na, nsisim wé ô di, mendim ya ényiñ na nsisim wé ô bo te fe wô’ô évé. Bियोñe biziñ a woban été nyôl ése ngumba,

Mejô me Zambe été; biyoñ biziñ a yene Kalate Zambe ane éyet ya nsisim, vôm a fombô émien.

A nye'e a beke'e croix, nje ja kate nye foé na, émien a nga tyebe croix yôp ba Christ, a a nga wômô fe a mféfé ényiiñ nyôle jé; nde éyoñe ji a jeñe ve mam me ne ma ya yôp, mam ya nnôm éto, mam me ne te yené. A nto nkôman ya ke tôban Zambe; a funan ane élé é ne mbéane mfôm ôsôé, nje ja wum bibuma éyoñ ése, nge ke afase nya ndi'i, di é be'e bibuma. Nye'an Zambe ô nto nleme wé ngumba, njalan ne lut, nde, éyoñe ji a nto te fe ko awu woñ. Besam. 1:1-3; Jean 15:1-14; 1 Jean 4:18-21.

EVE'ELA'A AWOMO.

Jésus a nga jô na: "Ma me ne ñwômôlô bôt, me ne fe ényiiñ mô't a buni ma, akôsa bo a wu, a ye nyiiñ; a bôte bese, mô't a nyiiñ a buni'i ma, a ye fe wu. Jean 11:25,26." Mô't a wô'ô ajô dam, a buni mô't a nga lôme ma, a ne ényiiñ ya melu mese, a ye nyoñe mekua, a kôlôya awu a nyiiñeya. Jean 5:24. Awu e nji fe ve Mbuni Christ angôndô nyô, amu "awu e minebaneya e ndañan été. A awu, ndañan wôé ô ne vé? A awu, nlôbane wôé ô ne vé? Ve akéva e bo'ô be Zambe, nye a ve bia ndañan amu Tate Jésus Christ wongan. 1 Becor. 15:54-57.

Nge mô't a nga nyiiñe be Zambe, a nji fe ko awu woñ. Eyoñ éyoñe jé ya kôlô si nyô ja kpwan, a ye ke a mevak vôm mvô'ô ya nnôm éto jé é né. Paul, nlôman, a nga jô na: "M'akômbô kôlô a tabe be Christ; amu nalé a dañedañ mvaé." Bephipilien 1:23. Mbuni Christ a yange mô's ôse, éyoñ a ye ke yene asu Jésus, nyô a nga wu étome jé e croix yôp a kôté nye a metyi mé émien. Mfufup Nsisim a bo ve ba'alan nye mejô Jésus a nga jô na: "Te wô'an abé minleme mienan. Buna'ane Zambe, buna'ane fe ma. Nda Esa wom é ne bito abui; nge nalé a ne momo ve me nga kate mia; amu ma ke kôme mia vôm. Nge ma ke kôme mia vôm, mamien m'aye beta zú nyoñe mia; vôm me to, vôm ate fe mi aye tabe." Jean 14:1-4. Mam mis me nga bo te yen, a melo me nga bo te wôk, a me nga bo te nyi nleme mô't, mam mese Zambe a nga kôm mfa'a ya ba b'anye'e Nye. 1 Becor. 2:9. Nkobô éziñ ya si nyô ô nji bi abime bifia da yian, ane ô ne kañete nge liti abim étôto'o ya yôp é né, ji Zambe a nga kôme ba mbe, amu mbunan ba buni Jésus Christ, na, b'aye nyoñ éyoñ be dañeya, ataté si nyô a kui yôp été.

Ekanga awômô jina été, bi ne ve'ele yen a yem ve tyôtyoé,
abime étôto'o awu nya Mbuni Christ a wu be Tate, é bili.
Sa fe angôndô a ôyôme nkôte mô, awu, nye a yange nye,



EVE'ELA'A AWOMO

ve ange Zambe, nye le bi lô a tele. A yange na a ke li'itan
nsisim ô nto nyiibane wu be Zambe. Amu nsisim wo ji'a
kôlô nyôle ya awu bi be'e nyô été, a ke be nyô a nga nyiñe
si nyô a wu fe été étom bebo abé, amu na anyii be mfa'a ya
ayaa ya nnôm'éto da zu. Etua meva'a ndôbane d'ayange nyô
a kôtébaneya nyô asu Zambe, nye Tate a ye jô na: "O boya

mvaé, ô ne mbamba mbo ésaé, wo bo mewôk, za'a ke tabe mbamba éto Eso wôé a ve wo. Math. 25:21. Satan a nji fe bi mone ngule be nye, amu ényan mis me Yéhova e ne awu ya mbamba be bôt bé. Besam 116:15." A me nga wô'ô tyiñ é so'o yôp, é jô'ô na, tili'i na, Ebotan a miñwuan mi awu be Tate, ataté éyoñe te: ya, Nsisim wo jô nalé, ane be aye wo'an mfa'a ya minju'u miap; amu mimboan mi mam miap mi atôñe be a ke nsamba wop. Nlitan 14:13.

A wo wo lañe kalate nyô, Zambe a volô'ô wo na ô ve Jésus nleme wôé, amu e ne ntilane na: "A mone wom (fam nge minga) va'a ma nleme wôé. "A ye ve wo nlem ô ne mfuban a futi Nsisim ya zôsô be wo. Te jô'é ékotekote nleme jôé na, é jañesane ntôñane mbia minkômban été. Amu" nyô a buni nleme wé émien a ne akut; Ve nyô ase a wulu a fek, nye a ye nyiñ." Minkana 28:26. Jôké'é mam abé môé a kabetane zôsô; amu ma'an ya abé me ne awu, ve mvean zesé ya Zambe ô ne ényañ ya melu mese be Jésus Christ.

Amu mi veyá minleme mienan be Zambe na a ba'ale mie, mia fe mi nto ve ba'ale minye'elan ya étyi mi nga nyoñ, e mbunan été a amu nye'an ñwô ô ne be Christ Jésus; amu mi ayeme nyô mi nga buni, a mi ne ndi na a ye ba'ale jôm mi nga ve nye akekui môs ôte. Lôñane miabebien e mbunan wônan yôp, mi ye'elan a Mfufup Nsisim, taba'an nye'an Zambe été, mi fombô'ô ve Jésus, Ntaté a mbo nya mvo'é ya mbunan wônan, Njôô ya bejôô, a mbeme zu.

Nde, be nyô a ne ngule ya ba'ale mia mi za kolé ôbak, a a ne ngule ya télé mia vôm ya étôto'o jé é né, mi to te bijô abui meva'été; be nyô étam a ne Zambe Nyii wongan, amu Jésus Christ Tate wongan, duma, éwôlô, ngu a njôan bi bo'o be Nye, te yene biyoñé bise bi za bo'ok, a éyoñe ji, a akui unôm éto. Amen. Jude. 24:25.

COPYRIGHT

ISBN 0 - 908367 - 65 - 1

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, tablettes, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc.). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique financee de dons

Missao de literatura Evangelica financiada por donativos

(Reg. No. 1961/001798/08)